



**"REGIONALNA DEPONIJA MOŠĆANICA" d.o.o. ZENICA**  
Moščanica bb, 72000 Zenica, Bosna i Hercegovina  
Tel: 032 / 44 63 60, Fax: 032 / 44 66 34,  
www.rdm.ba e-mail: [deponija@bih.net.ba](mailto:deponija@bih.net.ba)  
Identifikacioni broj: 4218003170004, PDV broj: 218003170004,  
Registarski broj: U/I-3232/02 (Kantonalni sud Zenica)

Broj: 02-350/22  
Zenica: 26.05.2022. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom direktora, broj: 02-148/22 od 11.03.2022. godine u otvorenom postupku za „nabavku pogonskog goriva za motorna vozila“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

**O D L U K U**  
**o izboru najpovoljnijeg ponuđača i dodjeli okvirnog sporazuma za nabavku**  
**“pogonskog goriva za motorna vozila”**

**Član 1.**

Prihvata se preporuka Komisije za javnu nabavku, broj: 02-349/22 od 26.05.2022. godine i Okvirni sporazum za „nabavku pogonskog goriva za motorna vozila“ i to: dizel gorivo (Euro 5 BAS EN 590, 10 ppm) i bezolovni benzin (PREMIUM BMB 95 BAS EN 228), dodjeljuje se ponuđaču **“Almy” d.o.o. Zenica** na osnovu njegove ponude, broj 66/22 od 01.04.2022. godine za ponuđenu cijenu od **159.170,00 KM bez PDV-a** (nakon provedene e-aukcije), kao najbolje ocijenjenom.

**Član 2.**

Prijedlog Okvirnog sporazuma dostavit će se na potpis izabranom ponuđaču **“Almy” d.o.o. Zenica** po proteku roka od 15 dana, računajući od dana kada su svi ponuđači obaviješteni o izboru najpovoljnije ponude a nakon što Odluka postane pravosnažna i konačna.

**Član 3.**

Ova odluka objavit će se na web-stranici Ugovornog organa u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostaviti će se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke „pogonskog goriva za motorna vozila i to dizel gorivo (Euro 5 BAS EN 590, 10ppm) i bezolovni benzin (PREMIUM BMB 95 BAS EN 228)“, za potrebe Ugovornog organa pokrenut je Odlukom o pokretanju postupka javne nabavke, broj: 02-147/22 od 11.03.2022. godine.

Procijenjena ukupna vrijednost javne nabavke bez PDV-a je 156.300,00 KM. Javna nabavka je provedena otvorenim postupkom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 11.03.2022. godine na portalu javnih nabavki ([www.ejn.gov.ba](http://www.ejn.gov.ba)) objavljeno je Obavještenje o nabavci, broj: 362-1-1-58-3-6/22, a sažetak Obavještenja o nabavci je objavljen u "Službenom glasniku BiH", broj: 14/22 od 18.03.2022. godine.

Komisija za javnu nabavku imenovana je Odlukom direktora Ugovornog organa, broj: 02-148/22 od 18.03.2022. godine. Dana, 26.05.2022. godine Komisija za javnu nabavku je dostavila Zapisnik o ocjeni ponuda, broj: 02-349/22 od 26.05.2022. godine (Aneks broj 2. na Zapisnik broj 02-232/22 od 14.04.2022. godine) u postupku javne nabavke. U Izvještaju (Zapisniku) o radu Komisije je utvrđeno sljedeće:

Nakon provedene e-aukcije na dan 06.04.2022. godine, a shodno utvrđenoj rang listi ponuđača, Komisija za javnu nabavku je dala preporuku direktoru Ugovornog organa da donese Odluku o izboru najpovoljnijeg ponuđača i dodjeli Okvirnog sporazuma za nabavku pogonskog goriva ponuđaču: "Almy" d.o.o. Zenica, kao prvorangiranom na rang listi.

Direktor je prihvatio preporuku Komisije za javnu nabavku i donio Odluku, broj: 02-204/22 od 06.04.2022. godine, kojom je Okvirni sporazum za nabavku pogonskog goriva dodijelio prvorangiranom ponuđaču "Almy" d.o.o. Zenica.

U Zakonom propisanom roku, drugorangirani ponuđač "Hifa Petrol" d.o.o. Sarajevo je nakon izvršenog uvida u ponude ponuđača, dostavio Žalbu protiv navedene Odluke Ugovornog organa, broj: 02-204/22 od 06.04.2022. godine. Žalilac je u svojoj Žalbi naveo žalbene navode, koji su u potpunosti se odnosili na ponudu trećerangiranog ponuđača "Holdina" d.o.o. Sarajevo, dok na ponudu prvorangiranog ponuđača "Almy" d.o.o. Zenica nije imao žalbenih navoda.

Postupajući po ovoj Žalbi, Komisija za javnu nabavku Ugovornog organa je ocijenila da su žalbeni navodi osnovani zbog čega je ocijenila da treba odbaciti ponudu ponuđača "Holdina" d.o.o. Sarajevo kao neprihvatljivu, te je u tom smislu dala preporuku direktoru Ugovornog organa.

Prihvatajući preporuku Komisije, direktor Ugovornog organa donio je novu Odluku o izboru najpovoljnijeg ponuđača i dodjeli okvirnog sporazuma za nabavku pogonskog goriva, broj: 02-233/22 od 14.04.2022. godine, kojom je ponuda ponuđača "Holdina" d.o.o. Sarajevo odbačena kao neprihvatljiva, a okvirni sporazum dodijeljen "Almy" d.o.o. Zenica kao prvorangiranom ponuđaču nakon e-aukcije. Međutim, i na ovu odluku ponuđač "Hifa Petrol" d.o.o. Sarajevo dostavio je Žalbu u kojoj je zahtijevao od Ugovornog organa da zakaže novu e-aukciju s obzirom da je ponuda ponuđača "Holdina" d.o.o. Sarajevo ocijenjena kao neprihvatljiva, a da kod zakazivanja e-aukcije se u sistem unose samo prihvatljive ponude.

Nakon ove Žalbe, Ugovorni organ je u skladu sa odredbama Zakona o javnim nabavkama obustavio postupak nabavke i predmetnu Žalbu uz izjašnjenje na istu sa cjelokupnom dokumentacijom prosljedio Uredu za razmatranje žalbi BiH na odlučivanje, s obzirom da je smatrao da je predmetna žalba neosnovana.

Dana 16.05.2022. godine, Ugovorni organ je zaprimio Rješenje URŽ BiH, broj JN2-03-07-1-1065-8/22 od 12.05.2022. godine, kojim je usvajana Žalba ponuđača "Hifa Petrol" d.o.o. Sarajevo. URŽ BiH je Rješenjem poništio Odluku o izboru najpovoljnijeg ponuđača i dodjeli okvirnog sporazuma za nabavku pogonskog goriva, broj: 02-233/22 od 14.04.2022. godine i naložio Ugovornom organu da ponovo zakaže e-aukciju između ponuđača čije su ponude ocijenjene kao prihvatljive.

Postupajući po ovom Rješenju Ureda, Ugovorni organ se obratio Agenciji za javne nabavke BiH s dopisom, broj 02-317/22 od 17.05.2022. godine, kojim je zatražio da Agencija zakaže e-aukciju. Agencija za javne nabavke BiH je odobrila zahtjev Ugovornog organa i zakazala e-aukciju na dan, 26.05.2022. godine sa početkom u 11:00 sati.

Nakon provedene e-aukcije, Komisija je preuzela Izvještaj o e-aukciji iz kojeg je vidljivo da ponuđači "Almy" d.o.o. Zenica i "Hifa Petrol" d.o.o. Sarajevo nisu učestvovali u snižavanju cijena pa su cijene prema ovom Ugovornom organu ostale nepromijenjene, kao iz prvobitnih ponuda.

U skladu s tim, konačna rang lista ponuđača je sljedeća:

Rang	Naziv ponuđača	Ponuđena cijena (bez PDV-a) u KM	Izvršeno umanjeње od početne cijene u (%)
1.	ALMY d.o.o. Zenica	159.170,00	0%
2.	HIFA-PETROL d.o.o. Sarajevo	161.830,00	0%
3.	HOLDINA d.o.o. Sarajevo	Diskvalifikovan	

S obzirom da ponuda, broj 66/22 od 01.04.2022. godine od ponuđača "Almy" d.o.o. Zenica, ispunjava sve formalno - pravne uslove iz Zakona o javnim nabavkama i kriterije Ugovornog organa postavljene u Tenderskoj dokumentaciji, te da je ovaj ponuđač ponudio cijenu ponude od 159.170,00 KM bez PDV-a, ova ponuda je ocijenjena kao prihvatljiva i najpovoljnija. Iako ponuđena cijena kod najpovoljnije ponude prelazi procijenjenu vrijednost nabavke za 2.870,00 KM, Ugovorni organ je odlučio prihvatiti ovu ponudu iz razloga što je pogonsko gorivo za građevinske mašine i motorna vozila neophodno, da bi se mogao nesmetano odvijati tehnološki proces rada na odlagalištu otpada Regionalne deponije "Mošćanica".

Također, na javnom natječaju je prijavljeno tri ponuđača i ponavljanje postupka nabavke, uz istu količinsku osnovu predmeta nabavke koja se ne može umanjiti, ne bi značilo da će Ugovorni organ u ovom momentu dobiti cijenu ponude koja je u okviru planiranih sredstava.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

#### **Pouka o pravnom lijeku**

Protiv ove odluke može se izjaviti žalba Ugovornom organu, najkasnije u roku od deset (10) dana od dana prijema Odluke.

Dostaviti:  
1x Ponuđaču: "Almy" d.o.o. Zenica  
1x Ponuđaču: "Hifa Petrol" d.o.o. Sarajevo  
1x Ponuđaču: "Holdina" d.o.o. Sarajevo  
1x a/a



Direktor

Sabani Adnan, Bsc.ecc.